



Број: 01/4-02-1-1829,30/24

Сарајево, 27. 11. 2024.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 29-11-2024		Број прилога	
Организациона јединица	Класификациона ознака	Редни број	Број прилога

**PREDSTAVNIČKOM DOMU
PARLAMENTARNE SKUPŠTINE BiH**

На основу члана 119. и 120. Пословника Представничког дома Парламентарне скупштине БиХ („Службени гласник БиХ“, бр. 79/14, 81/15, 97/15, 78/19, 26/20, 53/22, 59/23, 87/23 и 50/24), Комисија за финансије и буџет Представничког дома Парламентарне скупштине БиХ је на 30. сједници, одржаној 27. 11. 2024, разматрала Приједлог закона о допунама Закона о порезу на додату вриједност у другој комисијској фази, те Представничком domu Парламентарне скупштине БиХ доставља

IZVJEŠTAJ

**o Приједлогу закона о допунама Закона о порезу на додату вриједност
(предлагач: посланици Sanja Vulić, Mia Karamehić-Abazović, Saša Magazinović,
Sabina Ćudić i Čedomir Stojanović)**

Посланци Sanja Vulić, Mia Karamehić-Abazović, Saša Magazinović, Sabina Ćudić i Čedomir Stojanović су 25. 9. и 26. 9. 2024. доставили Представничком domu Парламентарне скупштине БиХ Приједлог закона о допунама Закона о порезу на додату вриједност (у даљњем тексту: Приједлог закона) на разматрање по основном законодавном поступку.

Колегиј Представничког дома Парламентарне скупштине БиХ је на 47. сједници, одржаној 8. 10. 2024. одредио Комисију за финансије и буџет Представничког дома Парламентарне скупштине БиХ (у даљњем тексту: Комисија) као надлежну комисију за разматрање Приједлога закона.

Комисија је на 26. сједници, одржаној 21. 10. 2024, разматрала Приједлог закона у првој фази, те је једногласно прихватила принципе Приједлога закона.

Представнички дом Парламентарне скупштине БиХ је на 22. сједници, одржаној 22. 10. 2024, разматрао и усвојио Приједлог закона у првом читању.

Комисија је на 30. сједници, одржаној 27. 11. 2024, разматрала Приједлог закона у другој фази, расправа о аманданима, те утврдила коначан приједлог извјештаја.

Nakon rasprave o Prijedlogu zakona, Komisija je:

1. konstatirala da su na Prijedlog zakona amandmane uložili poslanici: Mira Pekić, Mia Karamehić-Abazović, Miroslav Vujičić i Ljubica Miljanović;
2. većinom glasova usvojila sljedeće amandmane, koji su postali sastavni dio teksta Prijedloga zakona, i glase:

Amandman I.

U članu 1. Prijedloga zakona prilikom navođenja brojeva „Službenog glasnika BiH“ u kojima je objavljen osnovni tekst zakona i njegove izmjene, odnosno dopune briše se navod: „i 50/24“.

U istom članu u nazivu novog člana 54a. briše se zagrada i tekst naziva člana treba boldirati. Također, u tekstu novog člana 54a. brišu se oznake stavova od (1) do (5), jer se u osnovnom tekstu Zakona o porezu na dodatu vrijednost novi stav u članu označava uvlačenjem teksta u istom redu.

Dodatno, u tekstu novog člana 54a. mijenja se način označavanja stavova na koje se vrši pozivanje, tako da se umjesto oznaka stavova: „(1), (2) i (3)“ stave oznake stavova: „1, 2. i 3.“

Na kraju novog člana 54a. potrebno je zatvoriti navodnike.

Amandman II.

U Prijedlogu zakona o dopunama Zakona o porezu na dodatu vrijednost („Službeni glasnik BiH“, br. 9/05, 35/05, 100/08, 33/17, 46/23 i 80/23) u članu 54a. stav 1. mijenja se i glasi:

„Punoljetno fizičko lice koje je državljanin Bosne i Hercegovine sa stalnim mjestom prebivališta u Bosni i Hercegovini, koje je kupac stambenog objekta, ima pravo na povrat PDV-a prilikom kupovine prvog stambenog objekta.“

Amandman III.

U članu 1. Prijedloga zakona u novom članu 54a. stav 2. mijenja se i glasi:

„Stambenim objektom iz stava 1. ovog člana smatraju se novoizgrađeni individualni stambeni objekat i/ili ekonomski djeljiva cjelina u okviru novoizgrađenog kolektivnog stambenog objekta na teritoriji Bosne i Hercegovine namijenjeni za stanovanje.“

Amandman IV.

U članu 1. Prijedloga zakona u novom članu 54a. stav 3. mijenja se i glasi:

„Potvrde kojima se dokazuje ispunjavanje uslova iz st. 1. i 2. ovog člana izdaju nadležni organi u BiH.“

Amandman V.

U članu 2. Prijedloga zakona briše se naziv člana.

U istom članu, koji se odnosi na član 67. Zakona, umjesto oznake stava "(2)" treba staviti oznaku stava 2.

Također, u istom članu prilikom navođenja novog stava briše se oznaka stava "(3)", jer se slijedom nomotehnike osnovnog teksta propisa, novi stav označava uvlačenjem teksta u istom redu.

Istovremeno, oznake st. "(3)" i "(4)" zamjenjuju se oznakama: "3." i "4".

Amandman VI.

U članu 3. Prijedloga zakona stav 1. mijenja se i glasi:

„Upravni odbor Uprave za indirektno oporezivanje Bosne i Hercegovine donijet će podzakonske akte za provođenje Zakona nakon stupanja ovog zakona na snagu, u kojima će se utvrditi uslovi i način pod kojima kupac ostvaruje pravo na povrat PDV-a za kupovinu prvog stambenog objekta, uključujući nadležne organe za izdavanje potvrda kojima se dokazuje ispunjavanje uslova za povrat PDV-a, definiranje minimalnog perioda za otuđenje stambenog objekta od strane korisnika prava na povrat PDV-a, površinu i cijenu stambenog objekta na koju je moguće ostvariti povrat PDV-a, maksimalan iznos povrata PDV-a, broj članova domaćinstva koji ostvaruju ili ne ostvaruju pravo i u kojem obimu, početne rokove u smislu posjedovanja prve nekretnine radi ostvarivanja prava, kao i sve ostale potrebne uslove s ciljem provođenja Zakona.“

3. jednoglasno prihvatila Prijedlog zakona o dopunama Zakona o porezu na dodatu vrijednost sa usvojenim amandmanima u drugoj komisijskoj fazi, te Predstavničkom domu Parlamentarne skupštine BiH predložila njegovo usvajanje.

Na osnovu člana 122. Poslovnika, Komisija je za izvjestioca na sjednici Doma odredila predsjedavajuću Komisije Miju Karamehić-Abazović



Predsjedavajuća Komisije

Mia Karamehić-Abazović

Dostavljeno:

- naslovu
- a/a